

古尊宿語錄卷第三十六

多十二

僧錄司右闍黎兼鍾山靈隱寺住持 淨戒重校

龍門佛眼禪師語錄頌古

外道問佛 杲日連天照有無孰云善逝坐
跏趺如今要見當年事邪正猶來在半途
世尊陞座文殊白槌頌曰

多十二

法王法令若為酬老倒文殊強出頭負累釋
迦猶可事至今千古開啾啾 世尊拈花
迦葉微笑 百萬天人望舉揚拈花微笑
大乘張幾多業識忙忙者問着勞生沸似湯
二祖請達磨安心 若有絲毫付與人
可師何得更全身人間天上迷逢處八兩元

永樂北藏

古尊宿語錄

來是半斤 六祖風旛 非風旛動唯
心動大海波瀾常涵湧魚龍出沒任昇沉生
死聖凡無別共無別共底怎模樣祖佛傍觀
空合掌 國師三喚侍者 老倒江湖
上竿頭事可咍一回浮子動又是上釣來
百丈野鴨子 草裏尋常萬萬千報云飛
去豈徒然鼻頭是甚閑皮草十字縱橫一任
穿 百丈歸與同事坐次忽然哭事問曰
憶父母耶丈云無事曰被人罵耶丈云無事
曰哭作什麼丈云問取和尚事往問大師大
師曰你去問取他事回至寮中見百丈呵呵
大笑事曰適來為什麼哭而今為什麼却笑

第一九八冊

永樂北藏

古尊宿語錄

第一九八冊

丈曰適來哭而今笑同事惘然 一回思
想一傷神不覺蹶然笑轉新雲在嶺頭開不
徹水流澗下太忙生 馬祖陞堂百丈捲
簾 挂得帆來遇便風須臾千里到家鄉
臨門上岸逢妻子歡喜情懷不可當
百丈再參馬祖 挂拂遭呵耳便聾衲僧
奚若驗宗風金剛腦後抽生鐵華岳三峯倒
卓空 黃蘗一日問百丈曰和尚在大師
處有甚奇特言句乞師不恡丈遂舉再參馬
祖因緣乃曰我當時被大師一喝直得三日
耳聾黃蘗不覺縮項吐舌丈曰子已後莫承
嗣馬祖麼蘗曰不然今因和尚得見馬祖大

機大用要且不識馬祖若承嗣馬祖恐已後
喪我兒孫丈曰如是如是 家肥生孝子
國霸有謀臣拳頭劈口槌未到無兒孫
百丈開田說大義 開田說大義後人莫
容易百丈惣持門淡而還有味 黃蘗問
百丈從上宗乘苗裔此間如何商量百丈默
然蘗曰教後人如何委悉丈云我將謂你是
箇人便起去蘗後入方丈云某甲得得而來
祇要箇印信足矣丈曰若恁麼他後不得辜
負老僧 打麴還他州土麥唱歌須是帝鄉
人現成財本成家者多見飢寒在子孫
百丈一日問黃蘗何處去來蘗曰大雄山下

採菌子來丈曰還見大蟲麼藥便作虎聲丈
便抽斧作斫勢藥約住便與一掌丈便休至
晚上堂謂衆曰大雄山下有一虎汝等諸人
好看老漢今日親遭一口 大雄山下斑
斑虎觸着傷人誰敢顧親遭一口老婆心何
曾用着腰間斧 百丈問黃藥甚處來藥

云開田來丈云辛苦不易藥云隨衆作務丈
云有勞道用藥云爭敢辭勞丈云開得多少
田藥遂鋤地數下丈便喝藥掩耳而去
相見言談理不虧等開轉面便相揮畢竟水
須朝海去到頭雲定覓山歸 黃藥示衆
汝等諸人盡是噇酒糟漢 大唐國裏無

永樂北藏

古尊宿語錄

禪師不許會今祇許知着肉汗衫如脫了方
知捧喝誑愚癡 黃藥一日在南泉位中
坐南泉遂問長老是甚年中行道藥云威音
王佛已前泉云猶是王老師孫在藥遂歸本
位坐 彼此老來誰記得人前各自強惺
惺一坑未免俱埋却幾箇如今眼子青

卷十二

南泉問黃藥定慧等學明見佛性此理如何
藥云某甲十二時中不依倚一物泉云莫是
長老見處麼藥云不敢泉云漿水錢且置草
鞋錢教什麼人還藥不對 問答分明是
切磋幾人於此見說訛少年俱決龍蛇陣老
倒同吟稚子歌 南泉門送黃藥泉曰如

第一九八冊

許大身材戴椰子大笠子藥云三千大千世界揔在裏許泉曰王老師你黃蘗戴笠子便行相見錦江頭相携上酒樓會賓還少病知分不多愁百丈問南泉何處來泉曰江西來丈曰還將得馬師真來麼泉曰祇這是丈曰背後底你泉拂袖便出八面

生風祇這是拂袖之談動天地堪愛賣身王老師不作賤兮不作貴南泉坐次一僧叉手而立泉云太俗生僧合掌泉云太僧生僧無對南北東西無不利令人深愛老南泉眉毛厮繫如相似鼻孔遼天不着窠洞山謂雲居曰昔南泉問座主講何經論主

云弥勒下生經泉云弥勒幾時下生主云現在天宮當來下生泉曰天上無弥勒地下無弥勒時雲居遂問洞山祇如天上無弥勒地下無弥勒未審誰與他安名着字洞山直得禪床震動乃曰膺闌梨禪床驚震被茶糊惹得兒孫不丈夫拄杖劈頭連打出也教

知道赤鬚胡南泉示衆云馬大師道即心即佛又云非心非佛老僧即不恁麼不是心不是佛不是物恁麼道還有過也無趙州出禮拜歸衆僧問趙州適來禮拜歸衆意作麼生州云却問取和尚僧上問南泉適來論上座意作麼生泉云他却領得老僧意旨

祖佛場中不展戈後人剛地起談訛道奉不
傳天子令時清休唱太平歌 南泉斬猫
兒 五色狸奴盡力爭及平按劍揔生盲
分身兩處重相為直得悲風動地生
晚趙州從外歸泉舉前詰問之州脫草鞋戴
頭上而出泉云子適來若在即救得猫兒

第十二

安國安家不在兵魯連一箭亦多情三千劍
客今何在獨許莊周致太平 南泉歸宗
麻谷三人去禮忠國師 同氣相求事可
論一回見面一歡情兩行何處開文字一隊
誰家好弟兄 大隋蓋龜 骨裏皮兮
皮裏骨大隋老子無窠窟止士聞之笑未休

永樂北藏

古尊宿語錄

中流特地生疑惑 俱胝豎指 老大
宗師豎指頭一生用得最風流玄沙拗折無
人會年來年去冷颼颼 德山參見龍潭
吹紙燭 黃金為骨玉為髓莫把他家此
日尋多少從來悟心匠盡將底事繼威音
魯祖面壁 池陽何處得捫摸後代

商量苦也無古人剛地成多事敢問如今會
也麼 雪峯示衆云望州亭與上座相見
了也烏石嶺與上座相見了也僧堂前與上
座相見了也 密密堂堂早二三本來無
物更何堪癡人見了生歡喜作者相逢滿面
難 米和尚令僧問仰山今時人還假悟

第一九八冊

也無山云悟即不無爭奈落在第二頭米間
深肯之 悟人千箇道無憂肯信遭他第

二頭寂寞山花寒食後夕陽西去水東流

金牛和尚每至齋時自將飯於僧堂前作舞

呵呵大笑云菩薩子喫飯來 長連床上

狐屎尿三聖堂前狗吠春跳出金牛窠窟子

多十二

月明照見夜行人

玄沙三種病人

玄沙三種病人有理不在高聲引得香嚴老

子走來樹上懸身

破竈和尚居嵩嶽

山塢有一廟甚靈廟中唯安一竈遠近祭祀

不歇烹殺物命甚多師一日領侍者入廟以

拄杖敲竈數下云汝本塢瓦泥土合成靈從

五

何來聖從何起又敲數下竈乃墮破墮落師
云破也墮也須臾有一青衣戕冠忽然設拜
師前師曰是什麼人神云我本廟神久受業
報今日蒙和尚說無生法忍遂得生天特來
禮謝師曰是汝本有之性非吾強言神再禮
而沒 禍福威嚴不自靈殘盃冷角享何

人一從去後無消息野老猶敲祭鼓聲

大衆遂曰如某等久在和尚左右不蒙示誨
適來竈神說何法便得解脫師曰我也別無
道理祇向伊道元是一堆泥土合成靈從何
來聖從何起你等諸人何不禮拜衆遂作禮
師云破也墮也大衆一時悟入 春寒料

峭凍殺年少切忌參商別無奇妙但頭信去
歡喜問訊佛法商量傷子性命 趙州勘婆
趙州言勘破笑殺老禪和院主眉鬚落南泉
打粥鍋趙州勘破却成罪過大地衆生千箇
禹箇 百丈野狐 醉眠醒卧不歸家
一身流落在天涯祖佛位中留不住夜來依
舊宿蘆花 黃蘗問百丈古人錯答一轉
話隨在野狐身今人轉轉不錯時如何丈曰
近前來向汝道蔡近前打師一掌丈呵呵大
笑云將謂胡鬚赤更有赤鬚胡 一問當
機絕異同定乾坤箭驗勲功轟轟一掌肱腮
下笑殺雄山者老翁 司馬頭陀問為山

百丈野狐話你作麼生會為山以手撼門扇
三下司馬云太麁生為山云佛法說甚麁細
春至是花開朱頰安在哉可憐園裏色
不入鏡中來 靈雲見桃花 春來依
舊一枝枝同地同天道不疑未徹之言人莫
問令余特地笑嘻嘻 臨濟叅黃蘗首座
今問如何是佛法的大意三度問三度被
打 壁開華岳連天色放出黃河到海聲
瞎驢死後蒿枝折大地如今有幾人
雲門三頓棒 奉君三頓曲周遮屈辱雲
門老作家渡水穿雲五湖客欲將何物當生
涯 雲門胡餅 雲門答餠餅言前句

永樂北藏

古尊宿語錄

第一九八冊

後領驢鞍爺下領到了終不省塞却你咽喉
把將餬餅來速道速道 蜀賓國王自將
紉至師子尊者處問師得蘊空否尊者云已
得王云既得蘊空可施我頭占尊者云身非
我有豈況於頭王即斬之白乳高數丈王臂
遂落 楊子江頭楊柳春楊花愁殺渡頭

人一聲殘笛離亭晚君向滿湘我向秦
仰山插鉢 數目分明舉即難袖僧無不
膽毛寒湏知更有壺中路但向須弥頂外看
長慶萬象之中獨露身 萬象之中
獨露身一回相見一回噴東西南北吾皇化
莫向江頭苦問津 雪峯鼇山成道

鼇山成道足人傳莫是從前話不圓賴有玄
沙知始末徧身紅爛在漁船 子胡狗
老大宗師沒巴鼻養狗之緣大兒戲奪牌
客如到來鉛刀爭及吹毛利 烏窠吹布
毛 欲求佛法往南方老大宗師為舉揚
山花滿地雖狼藉一陣風來一陣香

多十二

玄沙虎 宗師方便太慈悲是汝之言寄
古錐萬里神光騰頂後肯將生死嚇愚癡
五洩叅石頭 在途在舍若為酬莫把先
師一例求雄雄宇宙如王者未免半邊無體
體 藥山一句子 犢牛生子頗相諳
兩眼通紅色似藍把火照來無覓處大家典

請一時余

趙州喫茶

趙州一椀茶

驗盡當行家一期雖似好爭免事如麻

盤山臨入滅垂示云還有人貌得吾真麼衆人競寫呈師師皆不納時普化出衆云某甲貌得山云何不呈似老僧看普化乃打筋斗而出師真醜拙不堪呈用盡身心笑殺

人彼中莫覓絲頭意白鼻崐崙賀新正

女子出定出得出不得初不離是定聖

者起凡情凡人而乃聖倒用與橫拈扶邪及

顯正春雨春風竹戶涼落花啼鳥千峯靜

良遂叅見麻谷平生心膽向人傾到此

門中有幾人別後都城舊知己暖煙斜日又

永樂北藏

古尊宿語錄

黃昏

黃龍三開

佛手驢脚生緣

龍元無此語直饒恁麼知之我儂亦未相許

奉報四海禪人第一不得錯舉晦堂拳頭

着眼看來寧免瞎全身何用佩金魚黃

龍意氣雄豪甚祇為他家不識書五祖

老和尚凡見僧來便云屈屈僧云屈作什麼

師云如今不屈更待何時盡力不奈何

按牛頭喫草若無錦繡文難以論嘉藻

又每見僧來展手問云何故喚作手

何故喚作手袖僧難開口擬議自顛預可憐

大蒙斗又每遇僧請益祇云無這開工

夫彼此且無相負累行人無不失鈎錐

第一九八冊

雖然不瞎衆生眼也好拳頭劈口槌
室中垂示

師云不負平生眼目還知龍門老為人處麼
若知得終不相辜負若不知實無為人底道
理 師云上座未來此間時無一人上座
既來此間後有一人上座祇是一人上座為

多十二

八

什麼成有成無

師云正恁麼時作麼生

辦

師云得底人還具四大五蘊麼

師云盡十方世界

是你自己折旋俯仰復是何人

師云古

人道無情有佛性師云有情具覺知可容知

師云古

有佛性無情無覺知若為知有佛性

師云昨夜山前虎咬大蟲

師云無目仙

人能揣骨既是無目將什麼辨貴賤

師從東過西碩謂衆曰是是復從西過東碩
謂衆曰不是不是遂歸位立曰適來猶記得
舉魯祖凡見人來便面壁而坐不知後來有
甚人會得 師云離却三界還見香甚

師云有情說法易見無情說法難聞祇如無

情說法什麼人得聞

師云為山接仰山

師云現今是箇什麼何不猛會取

師云

有人問你隨問便答無人問你時作麼生道

師云芥子納須弥且問你諸人即今在芥子

外芥子內若道在芥子外如何納得須弥若

道在芥子內許多大身材如何却在芥子內
師云隔宿不問道今朝事作麼生 師云山
僧問你諸人尋常一件事諸人舊時曾到處
忽然思量着一在目前為將眼見耶將心
見耶若道將眼見諸人思量舊時到處如何
是眼見若道是心見心豈有見也現今目前
燈籠露柱是心見耶是眼見耶世尊道從本
已來非心非眼且道是个什麼 舉古人
道一堆火兩人坐我是你你我是我師云你自
是你向火我自是我向火為什麼却道我是
你你是我 師云無舌人解說說則說了
也師却吐舌云爭奈者一片子何 師云

明來暗謝智起惑亡正當明時暗向什麼處
去祖師道祇者明便是暗明暗親體不可得
師云黑地裏行時為什麼脚高脚低
師云古人道世間法便是出世間法露柱是
世間法如何明得知是出世間法去
師云一切眾生眼見耳聞先聖去者裏有个
指示人處道即此見聞非見聞師云諸人正
當見聞時作麼生見得非見聞 師云忽
然被人稱名道姓喚你一聲時你去者裏還
入得麼 師云山僧與諸人摠在者裏其
間有了者不了者你麼生辨得者个是了者
这个是不了者作麼生辨 師云諸人還

會古人說底話麼。那個是古人作麼。生是誑底話。若不恁麼。明得祖教。佛教俱為剩語。作麼。生是古人說底話。
師云。十二時中作麼。生是你相應底句。
師云。不是。山僧瞞你却。是你瞞我。作麼。生是你瞞我處。
師云。中夜間忽然會得。去今朝起來所見。所聞。別也。作麼。生是別處。
師云。此事易見。難曉。你等諸人。還見狗子麼。見生客。則吠見熟客。則搖尾。且道。是一耶。是二耶。若道是一。吠則咬人。搖尾則求食。若道是二。來生也是客。熟也是客。所以道。易見難曉。須是向。不一不二處。會取。山僧不誑。諄你子細。檢點看。

師云。山僧齋時。見个蠅。蠅子在聖僧鼻孔裏出來。入去。得大無畏。你諸人。十二時中。出來入去。在什麼處。
師云。古來有。个禪客。依栖一人。尊宿。每日上去。問訊。纔見來。便道。且去。未。在。如是。數年。忽一日。省得。便上去。宿。纔見來。便云。惡。是也。師云。作麼。生見得。便知道是也。
多十二
師云。不重。久習。不輕。初學。久習之人。有何過。不重。初學之人。有何能。不輕。正當撞着此二人。相見時。如何。
師云。諸人大似。開眼尿床。還見。開眼處麼。
師云。須得作。衲僧家。說話。且道。衲僧家。如何說話。
師云。你上來時。早是。分外也。更口吧。吧。堪作。

什麼 師云曹溪大師道繁興永慶那伽

定祖師在你背後還見麼

垂代

師一日問侍者三人中那箇不在

數代云和尚問不着又云某甲祇得緘口又云慙愧且得和尚委悉 因病臂示衆云我一隻左臂因你諸人教我動不得因你諸

人教我受無限辛苦代云和尚要如此分疎作麼又云不敢辜負和尚一隻左臂又云學人聞得不安不樂又云此是和尚成褻某甲祇恐某甲不到者田地 舉古人云飛猿嶺峻你好看問僧你如何代云恁麼則不去也又云為什麼不去代云祇者便是飛猿嶺

問大庾嶺頭提不起時如何代云你却會得好又云你適來披袈裟麼又云依樣畫葫蘆聞書閣門開云無風自動好與三十棒舉古云泉眼不通被沙礙道眼不通被什麼礙古云被眼礙問僧祇如眼如何礙代云早知燈是火飯熟已多時

多十二

十一

師問僧你許多時在什麼處安身立命代云少人知問南泉牽牛巡堂如何代云你尋常東行西行有佛法道理無佛法道理又云錯行此路問高麗淨餅為什麼在者裏代云非但在者裏舉龐居士問馬大師不為萬法為侶者是甚麼人代云某甲已答和尚了也

一日聞茶版声又聞浴鼓声問僧云赴那處
即是代云聞時雖普不妨應處成偏應處雖
偏不礙聞時常普問僧如鏡鑄像像成後鏡
光向什麼處去代云老僧出家三十年也問
如何是你受胎處代云和尚甚處去來問念
念攀緣心心永寂時如何代云復有何事問

我与釋迦老子同叅釋迦老子具三十二相
八十種好如何說同叅底事代云莫來汚我
耳目問久嚮千佛到來為甚廢一佛也不見
代云已見千佛問識情不到處如何代云大
蟲看水磨問識情不到處還聞雨声廢代云
將為某甲落他情識裏問大安樂底人還見

有春夏秋冬麼代云若不恁麼爭喚作大安
樂底人問衲僧家如何商量代云寒時言寒
熱時言熱問如何是古人田地代云豈有異
耶問飯袋子如何代云正道着因遊白蓮峯
至半山亭有僧後到云和尚尚在這裏師云
我到了來也僧無語代云也是齋後鐘呂少

馮入室問和尚有何提誨師云若有提誨即
埋沒足下又問請和尚徑直指示師云太迂
曲生問有一物上拄天下拄地黑似漆常在
動用中動用中收不得過在什麼處代云有
什麼過謂僧云我為你着盡氣力如何着力
代云早朝有粥齋時有飯問會佛法人為什

麼病代云也知和尚心切師插一隻火筍在
爐中云此意如何代云頂門上著一隻金剛
箭又云刺破你眼睛穿過你心肝又云莫向
虛空裏釘橛有一屠兒身上常出乳香舍利
此意如何代云恐人不信又問別底屠兒為
甚却無代云他得大闡提問虛空還有變異
多士
也無代云青黃赤白長短大小師豎起拂子
問僧從什麼處得來代云也祇是某甲底夢
中僧問和尚因什麼得悟代云莫茶糊我見
盡兔子相咬師云咬殺也又云我也知你親
示衆云會佛法底人不得龍門飯吃不曾佛
法底人亦不得龍門飯吃搥不恁麼人亦不

得龍門飯吃且道什麼人得吃代云無慙媿
底人又云似我者得吃遊山次問僧竹密不
妨流水過如何代云不許夜行投明須到問
僧癩狗為什麼無毛代云已被和尚道了也
又云直得恁麼因僧問病師云我身在這裏
為什麼心不在這裏代云身在這裏你疑个
什麼又云泊合空過一生問亡僧遷化向什
麼處去代云你問我又云深領和尚一問一
日吃粥了白衆云許多人吃粥也無一人攜
得便起去舉古德一日不赴堂侍者白云
請和尚赴堂德云我今日在莊裏吃油糲來
也者云和尚不曾出入為什麼却道在莊裏

吃油糗來德云你但去問取莊主者才出莊主歸謝和尚莊中吃油糗代云事實如此聞

多十二

十三

如何師云這老漢不識好惡與人說作甚麼又云你尋常寮舍裏東語西話還有吉凶麼問廣額屠兒手中屠刀如何放下代云不須放下問面前是什麼代云無物問六祖不識字為什麼墜腰石上題云龍朔二年老盧記代云更須子細問侍僧汝恁麼供養老僧老僧將什麼報答你代云謝和尚報答因看月問侍僧那一半在什麼處去代以手指月問大地衆生如何度得代云有竹度處僧云

和尚度師云莫管他因僧亡問衆云齊後你也你如何云事不徒然又云非但某又云深領此問師謂侍僧云我尋常向你說却成罪過代云也知和尚小心呂少馮再至褒禪見師師尋常以六隻骰子示禪人遂將三隻令侍者送與少馮傳語云此是老僧平生用不盡底少馮接得復令回語云謝和尚見惠祇得一半在師復令侍者傳語云一半留與老僧師一日到寶公塔前忽云雲光好法師安角在頭上既是雲光法師為什麼安角在頭上代云西巷不騎金色馬回來却着破欄衫師在方丈坐見僧上來師云入室未到

次在代云恁麼則某甲伏惟謹退師因吃藥
次問僧云適來曾中似有一物且道是何之
物代云肺氣又云猶有者个在又云者个是
什麼乃驟步而去師謂僧云開鋪席了也東
買西賣僧云好茶師云賤貨自收師問僧你
忽然死去時如何僧無語師呵呵大笑僧問
如何是朕兆未生時事師云你何不早問師
一日謂僧云扶不起設使一萬人也扶不起
良久云祇有一人扶得起僧云未審是什麼
人師云無力者師問僧燈籠什麼處得來代
云驗在目前問僧忽遇虎狼刀劍時如何代
云是虎狼刀劍問僧子已後如何代云一似

今日問僧從緣得者永無退失者裏見得自
已亦是生冤家還會麼僧云自己亦不見時
如何師云時教阿誰叙僧無語師代云孟春
猶寒師舉僧問雪峯知有向上事始有語話
分時如何峯提起僧手云作麼生僧無語代
云引得者老和尚到恁麼田地 舉僧問
法燈百尺竿頭如何進步燈云噫問僧下得
什麼語代云平地神仙 舉藥山謂高沙
弥云見說長安甚開高云我國宴然師問僧
如何是我國代云四五百條花柳巷二三千
處管絃樓 五祖老和尚常展手問人云
因何喚作手代云瞞我太煞

示禪人心要

不應於無際空中立無分限若立無分限是無際空乃自負墮所以解空者無空想若人以語言名狀心終不得心不以語言名狀心亦不得心語言本是心名狀之故不得也無語言本是心不名狀之故不得也種種會當皆不與自心契上祖曰默契而已為若此道若未達但無妄念尔若人知是妄念作意止之者見有妄念故也知有妄念作意觀察令是正理亦見有妄念也知妄元是道乃無妄焉故達道者無所得也發意求道道即得之但不別求知無迷妄謂之

見道近世皆曰無不是道譬如飯籬邊坐說食終不能飽為不親下口也證者絕能所也非別有玄理在尋常日用處如見色時是證時聞聲時是證時飲水食粥是證時一絕能所此非久習不假薰煉蓋現成之事世人不識名曰流浪故云唯證乃知難可測

多十二

十五

學道者明知有是事何故不得旨而長疑蓋信未極疑未深也唯深與極若信與疑真是事也不解如此返照遂迷亂不知由緒因躡中途能自返省更無第二人也既曰此事又豈更知耶知是妄慮此事則不失也道不止說與示而後顯蓋體自常露說示者

方便道用尔省悟者亦暫時岐路也或因說而證或因示而入或自覺觸以歸終無異事別得至心源而止也 人言悟了方修此屬對治門雖然禪門亦許以正知見治之若論當人即不須若是也 佛道長遠久受勤苦乃可得成者綿亘三世凡聖一如故曰佛道長遠不起異見未始遺棄故曰久受勤苦畢竟無別法故曰乃可得成此大丈夫事人不識問遂依來而答不知乃自問尔欲答誰耶人不識答遂依言起見不知乃自答尔何有旨趣耶故曰恁是尔好看好看或人曰從上古聖佛祖指示言教流布世間

一一分明何故都是自己深負上古先聖苦口垂慈也今對之曰吾順佛祖宗趣尔自負吾不負也若言有所說即是謗佛祖曰莫作最後斷佛種人若不就已知歸所作皆成造偽縱記得河沙會盡塵墨於己何益故曰將聞持佛佛何不自聞聞外求有相佛與汝不相似尊宿云我今對你一句子亦不難你若一言下薦去猶較些子若不會老僧却成妄語去夫今時學者競以問答為禪宗中關要不知是取捨作想心嗚呼 就理就事之學蓋是近家語縱有少領覽未可休息豈不聞說涅槃之道曷度絕矣直須解自點檢始

得人以迷心故進道乃來山林中見知識將謂別有一道可令人安樂不知返究向來迷處工夫最第一若不及此入山林而不返徒尔為也迷處極易而難入故先德曰難信難解又曰此是頓宗說道返照向來已是走作語況不尔耶後世遂用此語為平常無事一

多十二

十六

味實頭此又後學之不明服食之不審也從上來有二種方便有真實方便所謂說無有間有善巧方便所謂妙應群機若從真實方便得入不假思量省自神解永無有退妙用河沙也若從善巧方便得入得座披衣向後自看始得未足將為究竟此二種方便皆

一法也不可須更有失學者思之

雪峯示人曰莫教老僧有一句子到你分上若有一句到你分上堪作什麼也此是古人不得已而已後者不了古人意便謂自己分上無許多言談所以錯會也今時人多將目前鑒覺用為極則玄沙所以向人道

深山迥絕無人處你道還有否 悟心見

性當如雪峯玄沙履實踐真當如南泉趙州今時學者但以古人为方便為禪道不能與古人同參也譬如有力人負一百二十斤擔過獨木橋不傾不側何物扶持得如此耶其精緻無雜而已為道亦亦經中稱譬如師

子提象亦全其力提免亦全其力人問全什
磨力曰不欺之力若見一毛髮異於心者則
是喪身命故達道人無有不是者此力甚大
但為無邊惡覺侵蝕致令力用有虧若無如
許多異法異狀異緣異念則隨心轉變自在
無礙 道不用苦求求之即道失事不在

多十二

十七

苦融融之即事有不求不融道與事會也則
何事而非道耶 譬如目明之士入寶聚
中而不知方便為無火燭光明所照也入矣
即被觸擊自損身首謂是毒穴非寶聚也有
智入中持燈燭光照見種種寶任意採擇得
寶而出十二時中須用智光勿令六塵自傷

觸也 昔日永首座與慈明同辟汾陽而
求未盡其妙相從慈明二十年終不脫灑一
夕圍爐深夜慈明以火筋敲炭曰永首座求
首座未乃咄之曰野狐精慈明遂指求而謂
曰訝郎當又恁麼去也求由是方得究竟然
畢命相隨凡慈明居常差別激問衆不能酬
對唯求至慈明即點頭許可此所謂無病之
藥學者罕得其要況後世知見會解之徒何
由領是事哉得之當若求發藥當若慈明庶
幾可也 閑中得靜則井邑成山林煩惱
即菩提衆生成正覺此語初心學人例道得
會得作一種平等知見及其放心凡聖依前

兩般靜躁殊用明知是解會須是安穩處始得一味不可強會 近世多以問答為禪家家風不明古人事一何逐末不反可怪可怪昔人因迷而問故問處求證入得一言半句將為事究明令徹去不似如今人胡乱問趁口答取笑達者 十二時中學道無頃

刻棄捨此人縱未得入念念已是修行也尋常說修行不過三業六根清淨禪門更不必如是何故禪定之門念念與智波羅密平等一切處自無過患也久久心地通明之日從前並得滿足名一行三昧今時人全無定力後不開智眼所有機緣語句祇成諍論生滅

心行夫禪學不是小小未用超佛越祖得了要超亦不難高郵孫承務作書問不落意想不在有無如何則可師答云若問如何則不可不問如何亦不可醉客豁醒神珠自瑩豈可預為之計然後領耶第一等靈利人尋討不着此一念難得自見見之即是無別有歧路也尋常例以前念為是以後念照之前後追逐以心用心心則成境率初已成心境了展轉更不堪如今後念不取自無起滅處當處解脫念本不生何更有有無意想為留礙一念悟心成正覺此之謂也念念無生念念無相與虛空等觸物遇緣皆佛之妙用無絲

多十二

十八

頭許對待衣珠獨耀十方世界事目擊可了
不俟舉意然後如之此蓋大丈夫事業不可
不成就取欲要是蓋有不是法為礙欲
要得念良由前後皆失念故也晝夜不自在
要與道合然無少許合處愈急急愈不合病在
取一捨一不善用心不得要術茫然不知日

與道遠若安坐寧神不勞自辦故達磨大師
謂揚街之曰亦不捨智而近愚亦不拋迷而
就悟達大道今過量通佛心今出度不與凡
聖同纏超然名之曰祖不着棄一邊就一邊
當知明明顯着明明作用挂定會取轉凡成
聖點鐵成金要徑不可不如此究祇恐人兩

頭走一既不成就二又不是不識玄旨徒勞念
靜二乘斷煩惱得證名為偏修不若應念化
成無上知覺之速也修道人若遇煩惱
起時如何古人云但以正知見治之余則不
然祇以煩惱治之如此看來即不見有煩惱
也何故煩惱不可更治煩惱如火不更燒火

多十三

十九

水更不濕水体性一同無可得露現此了煩
惱本空不着除遣若起智斷治捺伏却成別
用心有對待被他二境回換縱得亦迂曲有
分限須行徑直路為上古人云劫火曾將無
氣吹不勞功力當時萎此之謂也有時
靜坐則心念馳散或然臨事又全失却都緣

未得親證落二落三致有錯謬展轉之失古人云動靜不二真妄不二維摩明一切法皆入不二門若領此要不動自寂滅也且如眼不至色色不至眼聲不至耳耳不至聲法法皆尔元是自心功德藏無可得取捨契者何徃不利此正是那伽大定也 今生出來

自肯學道者蓋夙生曾種善根素有根本便解發心亦解疑着就已尋究又煩惱障薄有因有緣此人易可化度若未薰得此心正信不生縱聞之亦不生疑但如風過耳勸之又生瞋加誹謗此又何緣得顯露所以十人萬人中但一二人而已若自解作活計收拾得

上生生從此去展轉明利更不退失功德一生勝一生入他諸佛間域常與此事相應人間天上亦祇如此設對五欲八風一切境界與理符合不行三塗道一味平等正知見復有何事 生死不可不畏須了此一段死生情偽始得安樂無過身心爲累耳身如桎梏當知身去來處心如猿猴當知心起滅處此二自何處去來起滅則身心圓明內外一如而已且心爲內身則爲外身爲內物爲外國師曰身心一如身外無餘則不見有生死當情可謂解脫大道也故能令人見聞不得不脫意想不得不息物境不得不融復奚疑

我 龍門心法終

三自省察

一是身壽命如駒過隙何暇閑情妄爲雜事既隆釋種須紹門風諦審先宗是何標格二道業未辦去聖時遙善友師教誠不可捨自生勉勵念報佛恩惟已自知大心莫退

多十二

二十末

三報緣虛幻不可強爲浮世幾何隨家豐儉若樂逆順道在其中動靜寒溫自婉自悔

誠問話 近代問話多招譏謗蓋緣不知伸問致疑咨請之意後生相承多用祝贊順時語並非宗乘中建立如古人問若爲得出三界去又問聲色如何透得又問此間宗乘和

俗子也

龍門佛眼禪師語錄終

古尊宿語錄卷第三十六

多十二

尚如何言論並是出衆當場決擇近時兄弟進十轉五轉沒巴鼻語或奉在座官負或莊嚴修設慳信俱不是衲僧家氣味又抽身出衆便道數句或時云某甲則不恁麼道又云和尚何不道夫問話者激揚玄極也不在多進語三兩轉而已貴得生人信不至流蕩取笑

永樂北藏

古尊宿語錄

第一九八冊